

m'unuw sa ryax qasa

qutux qu mqzinut na squliq squ cinmuyaw balay na squliq cqun mcisal beh qutux niqan. tayqu cinmuyaw squliq qasa ga trahu' niya' balay qu kincingay pila' niya', ga yan nqu ini' pqas ana cipuq lungan niya', baha mswa' snkux niya' balay qu pila' niya' mucu skun ta' inu' ga musa' trhuw qu pila' ta' mucu, ga tayqu mqzinut squliq qasa hya' ga, yasa si pssyaq krriyax ktan rques niya' hya', baha mswa' wan biqan qutux giqu tapang na mrhuw. siy ktay qu m'unuw la! yasa siy qala' kora' nha' ru, mnglung mucu hata' mgyay tanux kora' nha' lga, rema' masuq qu unuw qasa la.

mssu' kora' lungan nha' lga, kmal qutux nkis na Yutas mucu “ tayqu 'unuw soni' ga, nanu' lungun mamu kora' wah! ” mucu aqut. yasa siy ps'isu' pbiq roziq kwara' naha', siy ptnaq kora' mucu “ nanu' qbaqan mlung lpi! ” nyux siy tnaq nkux kora' nha' na', ru mnglung mucu aki' ta mgyay tanux lga, masuq uzi qu unuw la. kmal lozi qu Yutas qasa mucu “ kta yuaw soni' qasa ga, ana su' cinmuyaw, ini' ga mqzinut, atu' na tehuk qu hqilan su' lga, ana nanu' yuaw lga ungat yuaw niya' la, tay kora' pila' su' ga, mucu ini' qsugiy na laqi' su' ga, musa' qoyat nanak nqu squliq ka iyat su' qnbaq l'ay! kya qu cingay rnaw mamu' squliq ga, musa' naha' sgazyang kwara' kinbleqan pincyogan mamu na' ay! kora' ka rnaw mamu sa squliq

uzi ga, musa' nha' sbiq sa kinbahan mamu uzi qu niwan snyukan naha' smunan lruwa! mucu mhoqil ta' sa unuw soni' qasa lga, iyat ta' baqun kora' qu yuaw na babaw niya' hya' la! ”

ktan lga, si kal qu cinmuyaw squliq qasa mucu “ talagay wah! Wal ku' balay min'uqu' mnglung knan hya' la, aring kira' lga anay maku' saw sa mqzinut na squliq ruma' pila' maku' la, ima' s'angaw na Utux lwah! ” tayqu bnkis qasa hya' lga, siy giway tmatuk tunux ru, siy pssyaq uzi mqas mucu mhuway balay unuw niya' soni' qani...

地震的那一天

有一個窮人和富人一起吃飯聊天。富人誇耀自己的財富，但心裡並不高興，因為不知道錢放哪比較安全；至於窮人，臉上卻帶著笑容，原來是上級送了一床新棉被給他。

忽然發生地震，正要逃難時，地震已經停止。其中一位年長的人說：「剛才地震，你們想些什麼？」，大家彼此使眼色異口同聲的說：「我們還會想什麼？」老人家又說：「看看剛才發生的地震，不論貧富，一旦死亡來臨時，什麼都沒有用。只要你們幫助別人越多，你的善行將會為人所知。」於是那富人便說：「我的想法錯了，從現在開始，我要將一些錢財拿來幫助貧困的人！」

老人家頻頻點頭，臉上也帶著微笑著，心裡想著真是感謝今天的地震！